

國方志叢書·華中地方·第八八二號

據

清·黃永綸、楊錫齡等纂修
清道光四年刊本

影印

江 西 省

寧都直隸州志

(二)

成文出版社有限公司印行

寧都直隸州志卷六

東洋又庫

廣德劉 丙

太平梁棲鸞 集輟

水利志

寧都州

明萬曆壬辰志曰北當水其源自白鷺寨經黃干至萬斛

里曾家陂

按今名環玉陂

堰水入圳謂之官陂水至城背广析為

二派一派左入城背巷一派右經劉家池入城濠自城背

巷出者則又為二其一派巷

按巷字疑衍

入彭家池經曾氏橋

樂亭池東至開泰坊大街北流至朱家巷口復東流達於

大江按此即明舊志南流花屋巷其一東流至大街北流

經集仙觀至和坊達於北橋小溪按此即明舊志北流集仙觀前佑聖閣下達大

江之水自城濠東出者亦分為二按此即明舊志穿濠城入

左沿劉秀才門前東流至大街穿豐樂市水入康義坊東

流至馬家巷入於大江按此即明舊志東一派由蓮塘巷新開街會石橋頭之水右沿

雲風臺按明舊志雲風臺在於縣署廳事之右南流至大街亦東流至豐樂

市按此即明舊志南一派由簿城巷大街會石橋頭之水此官陂水所經歷之地也

按州署從右肩入脈故陂其城西濠之水無源按此即西門城內諸

官溝也不為陂水所經故曰無源此水環抱州署實與南

陂水所經之處並重久廢不修則致屬疫故昔人重之南

出經縣前會縣正門之外東流至熙春坊又分為二按明

間已無此坊名殆卽
今熙熙臺之直街

左流大街北流至縣東門下東過大

街會城濠東出水入豐樂市會康義坊水東流馬家巷以

入於大江

按此水與城濠東出水會似與城內所引環王陵水同穿城而出

右由舊學前

按州東隅及城隍廟右皆可言舊學此似指州東隅

東流入池塘角亦會康義坊水

東至馬家巷口入於大江

按此城西無源之水不言穿內城之何方而出而總會於馬家

巷口卽今之嶺頭也此記作於紹定端平之間後此嘉熙

二年始築今之州城此時僅有唐子城之遺址耳故入口

出口俱不

言穿城外此又有自覆船岡之陰發流東厯兩尉廳城

隍廟入印山池出縣前大街南口會西濠南出之水名爲

覆船岡水

按宋紹定間移學官於西城覆船岡麓卽今學官也覆船岡陰發源之水卽今學官前上下西

關及南門外濠溝之水此水與西濠南出之水相會係紹定六年未築老城以前之溝道築老城以後則此水只流

老城之外明崇禎間增築新城遇陽亢牒捉殺寨明初石城縣置
城則此水又引入新城之內
捉殺寨巡司此言牒捉殺寨意宋時寧都會設此專掌水利之官後乃移駐石城縣來辛酉志作賽字畫之訛
堰官陂水入郭督市民除溝之滯積使涵蓄水近年鬱攸不
興類得溝水之力也前令魏泌林光裔皆厲淤溝之禁彭
鉉至復申嚴之

按此篇當卽嘉定間縣令彭鉉所記或端平中縣令趙
紉夫所記舊名火政儲水篇載藝文今置水利之首

乾隆辛酉志曰環玉陂州西五里許舊志稱爲曾家陂發
源白鷺寨經黃干至陂堰水入圳經楊梅堰出城背出穿
濠城入渟水湖注州署後愛蓮池穿垣至分水石按今街昔曹氏

祠側一由葉屋巷一南一派由簿城巷按明舊志在博濟

名葉大街按舊志在博濟廟前會石橋頭按舊志華表廟在石東一

派由蓮塘巷按舊志巷在思莊街新開街按舊志街在豐樂會石橋

頭按兩溝相會處乾隆至削筋巷按舊志巷在石湖按淳

一在迎旭穿城而出過嶺頭達大江按以上陂水穿城人

瑞麟水利議畧詳見何少宰重修水利記明城背田水亦

萬歷間纂入縣志乾隆辛酉志未易一字

分爲二按城背田與宋水利志所謂城背廣城背巷只是

內一東南流按明舊志花屋巷按巷在鎮安門外朝真至

油槽巷口按明舊志云在鎮安街達真又折而北入官圳

一北流集仙觀背按明舊志佑聖閣下達大江按辛酉志

在拱辰門城樓上

所灌田塘無筭

按以上歷敘官陂水經歷之處與西南城內無源之溝水無涉

尤爲毓和消沴之利卽堪興家所云乾江水入巽江流

舊志吳天德曰官陂之創由來舊矣可以消燔鬱阜民財

前令如魏泌林光裔趙紉夫莊濟翁相繼修復因陂圯故

道淤塞

按陂圯於成化末年

隆慶二年兵備副使董公世彥行部至

境銳意水利士民樂助豎建柴陂堰水入圳數月之間厥

工告成叅政施公篤臣清查石灰山稅爲逐年修理之費

議建石陂以垂永久第石陂工費浩重賢有司加意地方

當必創爲久遠之計使邑民百世永賴焉

按明萬曆八年知縣史紀言以

陂所低瀉水流易竭移置舊陂上數百武水源既高注流
始迅二十九年署縣陳光頴經理石灰山稅清淨水圳地

基建亭於湖之北堂一房三直長
三丈五尺橫闊入丈俱見明舊志

按陂自明隆慶後無修復年月可稽萬厯壬辰志所載
修理官陂田租至乾隆辛酉志已不可考其石灰山稅
原設以供濬治費者經前令詳請改爲鄉試卷貲蓋陂
之廢垂二百年矣至乾隆甲寅州貢生楊芳俊呈明前
州周兆蘭請撥蓮花山寺田租以供歲修於故道迷失
之處購買民田另開溝圳引水入城顧城內溝道久塞
實未能一律宣通而自嘉慶五年州城大水之後陂堰
坍塌興復尤難二十四年知州鄭祖琛查出原撥蓮花
山寺租息一百八十四千文貯庫備用道光二年知州

劉丙重修有重修水利記

修理西郊陂圳城內溝道記

附

壬午春丙既蒞任集父老詢州利病咸言西郊環玉陂堰蓮花峯秀水入城消沴毓和郊外無筭農田均資灌溉貴州大利也數十年來屢經大水陂傾圯圳道崩陷秀水久不入城城內溝渠復淤塞一遇霖雨街巷積水盈盈多遘疾疫歲少旱則西郊農田又虞灌蔭無資與利除害莫有急於此者請留意焉逾日集眾議興修則又有告者曰環玉陂廢已久構石重築費重工鉅非數月所能集事社公橫圳道又久崩陷并人爲田非清理

田畝從田內築土加高爲圳雖修築陂堰水流至此中斷不能流注入城城內溝渠均在邃室深堂之下非徹牆塋難以施工有此三難故前人糜費金錢屢議興修而不果曷徐圖之丙慨然曰事有關於民生利病行之惟恐不速敢畏難而苟安哉築室道謀是用不潰於成乃屏輿從至西郊往還相度量測地勢高下復周歷兩城詢訪溝道所由經晨夜思之越數日集衆人而告之曰環玉陂施工誠非易陂下數百武居民現築柴陂截上流之水引入車寮資輪機屑麥之用誠就此陂加用木石堅築增高則渟蓄汪洋水勢高峻建瓴而下其流

自遠固無事他求也旁山圳道之崩陷者就山麓另鑿水圳地勢既高不虞中斷又何必廢損田畝爲哉至城內暗溝倣用隧道法疏之揣視溝道所由經擇隙地掘穴使短小精悍之夫蹲身其中以次鉅疏一城之內不過掘數十穴而全溝已通更無事紛擾爲也議既定咸各歡欣以爲功可成願各助役遂於四月二十四日興工偕吏目張公俊州紳邱公潏隨時商度往來經營未逾月而工竣凡農田資灌蔭者三千餘畝內外兩城清流貫注滔滔不竭州人士莫不欣然以爲事不擾而功速成因名其陂曰新環玉陂志慶也陂長十九丈層築

木椿八百有奇墊以大驚石較舊增高四尺許增厚八尺許陂口用三合土築砌自陂口至車寮長三十丈自車寮至社公嶺廟前疏濬舊圳旁各以土增高一二尺使水不漫溢長二百六十丈自廟前至龍變溪車寮鑿山麓爲圳一百五十四丈衆所稱圳崩陷爲田者卽此處也圳高田五尺許排築木椿結石以護之自龍變溪至何家祠沿大路新開圳道二百三十丈自何家祠至長庚門復自長庚門沿城南行至龍王廟疏濬舊圳一百十五丈自龍王廟進口入城則皆鱗次民居地面平坦不知溝道所由經乃從彭生門外掘數穴獲石板啓

視乃得之復於彭生廳堂又越牆及謝生廳前隙地距各四丈許掘兩穴啓視溝寬二尺許深四尺許旁皆焚以磚淤泥克塞其中上以石板承之填土爲基距地面二尺許倍價僱壯夫疏濬咸恐懼薰以硫磺執炬照之乃敢入復揣度溝道所由經北東行歷謝生內室後廳厨溜至賴氏百歲坊復經羅姓住宅各就隙地相距三四丈或五六丈掘十餘穴以次鉅疏過鄧姓百歲坊東達愛蓮池長五十二丈城內溝渠施工莫難於初起手時嗣是而徑路熟悉力作者心坦然而無疑蓋易爲力矣自愛蓮池東行經州判署後歷七姑廟至葉屋巷口

分爲二長四十六丈一進口歷上連瑞巷南行至東門大街復東行至石橋頭長七十七丈一由葉屋巷口東行歷太公廟復南行至石橋頭合口長七十三丈自石橋頭東南行至削筋巷歷彭姓宅復東行至塏口穿城脚達濠池長四十丈均暗溝也以前法疏濬之塏口舊用巨石結砌作曲尺勢使水少渟蓄不直瀉蓋形家風水說也塏內汙穢堆積以長竹片穿越內外各一人持兩端疏蕩之積久然後通自城濠南行至小石橋復東行至外城支筆圪出口入大江一百十四丈又自長庚門進城東行至花屋巷疏濬暗溝長九十五丈巷下溝

道崩陷并爲池復自花屋巷開鑿新溝由參府署箭道至署後合舊溝長三十丈自署後東北行至豆生井六十一丈自豆生井東行至北門大街復北行至拱辰門越城闔抵拱辰橋下入江疏濬暗溝六十丈形勢與舊志所載火政儲水篇互異蓋今昔情形不同也自陂座至文筆坵共長一千一百十八丈自長庚門至拱辰橋共長二百四十六丈提用積存租息錢一百八十四串費不足捐廉償之因緝州志疏其大畧俾後之從事斯役者有所採擇焉

引用陂水酌定限制諭附

諭告內外兩城及西郊各士民本州修理環玉陂水利
內爲兩城居民消沴毓和外爲西郊農田藉資灌溉二
者並重其中亦有緩急之分今酌定限制農田需水時
陂水儘由兩岸厚灌不必導引入城以分其利但樂利
與衆共之上流不得故意攔截致下流無水灌溉以啓
爭端農田不需水時各將田旁缺口堵住使陂水暢流
入城毋令旁洩入河致水勢弱竭不得流通陂東車寮
居民引水激輪用機轉磨屑麥亦民生利用之所在且
修築陂座與有微勞毋庸擅議拆毀惟陂水入寮激輪
卽由寮中旁洩入河於圳流大有妨礙酌定限制農田

需水時卽將寮圳堵塞毋許開放使陂水全注田圳俾農田暢資灌蔭農民不需水時午後至夜間准其引水入寮激輪屑麥早半日則仍將寮圳堵塞暢放陂水入城周流貫注不許攔截陂座卽着寮戶就近照管少有隙漏隨時修補如遇大水將陂身冲壞卽時稟官興工修築各田旁水圳隨田修整不得任其坍塌仍着該處地保不時查看圳路少有淤塞卽時疏濬月給工食錢五百文在環玉陂田租項下開支城內溝道三年疏濬一次每年仍不時各就地段查看少有阻滯卽時修濬毋令淤塞地氣不通雖關係通城利病而穢汙蘊蓄任